

Եզրակացություններ

21-րդ դարաշրջանի սկիզբը նշանավորվում է գլոբալ փոփոխություններով մարդկային գործունեության տարբեր ասպարեզներում, և կրթության ոլորտի բարեփոխումները կոչված են վճռական դեր խաղալ երրորդ հազարամյակի հիմնախնդիրները լուծելու գործընթացներում:

ՀՀ բարձրագույն կրթության համակարգի հիմնախնդիրների շրջանակը չափազանց մեծ է, սակայն դրանց արդյունավետ լուծումը կարելի է կազմակերպել ռացիոնալ ձևով և հասնել զգալի հաջողությունների նույնիսկ կարճ ժամկետներում: Հայաստանի բարձրագույն կրթությունն արդի փուլում, շուկայական հարաբերությունների համատեքստում, արմատական լուրջ վերափոխումների կարիք ունի: Շուկայական հարաբերությունների անկատարությունն իր բացասական դերն է կատարում տնտեսության այս բնագավառի ավելի հարթ զարգացման և ձևավորման գործընթացներում: Դեռևս լիովին որոշված չեն պետության գործառույթները շուկայական հարաբերությունների կարգավորման հարցերում և շուկայական պայմաններում կրթական համակարգի արդյունավետ կառավարման հիմնախնդիրներում: Մի կողմից, մեծանում է պետության դերը բարձրագույն կրթության ոլորտի կառավարման ասպարեզում, մյուս կողմից, մրցակցությունը ստիպում է ուսումնական հաստատություններին դրսևորել որոշակի անկախություն իրենց առջև ծառացած ֆինանսատնտեսական խնդիրներն լուծելու համար:

ՀՀ բարձրագույն կրթության համակարգի մրցունակ լինելու և աշխատաշուկայի պահանջներին համապատասխանելու միակ գրավականը կրթության *որակն է*: Կրթության որակի ապահովումը համարվում է անհրաժեշտ փուլ բարձրագույն կրթության կառավարման գործընթացներում: Ինտեգրումը ԲԿԵՏ ենթադրում է *որակի ապահովման ազգային համակարգի* հիմնում: Սակայն, ՀՀ-ում չի եղել մեծ ծառայություն, այդ իսկ պատճառով առկա է փորձի բացակայություն: Ուստի անհրաժեշտ է կիրառել զարգացած երկրների փորձը, որոնք ունեն կայացած կրթական համակարգ և ժամանակի փորձությունն անցած որակի ապահովման հաջողված տարբերակներ: Սակայն ընդօրինակելով վերջիններիս՝ անհրաժեշտ է հաշվի առնել մեր երկրի ազգային առանձնահատկությունները:

Համակարգի մրցունակ լինելը կախված է մասն մի շարք այլ կարևոր գործոններից, ինչպիսիք են՝ պրոֆեսորադասախոսական անձնակազմի որակավորման մակարդակը, ուսումնական հաստատության ապահովվածությունը նյութատեխնիկական, ֆինանսական, տեղեկատվական ռեսուրսներով, որոնք նույնպես ուղղակիորեն կապված են կրթության որակի հետ:

ՀՀ բարձրագույն կրթության համակարգը մրցունակ կարգավիճակ ձեռք բերելու համար, այն պետք է զարգացնի *կանխատեսելիության կարողություն, նպատակասլացություն և նորարարական գործունեություն*: Վերջին գործոնը չափազանց կարևոր է, քանի որ մրցակցությունը սերտորեն կապված է առաջընթացի և զարգացման հետ:

Հաջողակ լինելու համար շուկայական պայմաններում կարևոր գործոն է մասն ֆինանսական գործելակերպի մշակումը: Պետական դրամական միջոցների ճիշտ օգտագործումը և լրացուցիչ ֆինանսական աղբյուրների ներգրավումը չափազանց արդյունավետ ներգործություն կունենան համակարգի տնտեսական հարցերը կարգավորելու գործում:

Մի խոսքով, ՀՀ բարձրագույն կրթության ոլորտում բարեփոխումների աստիճանական իրականացումը և աջակցությունն, ինչպես նյութական, այնպես էլ բարոյական, կխթանեն կայուն և մրցունակ կրթական համակարգի ստեղծմանը:

ԼՈՒՍՅԱ ՄԿՐՏՁՅԱՆ

ՀՊՏՀ դասախոս, տ.գ.թ., դոցենտ

ՏՆՏԵՍՈՒԹՅԱՆ ՀԱԿԱՃՂԱԺԱՄԱՅԻՆ ԿԱՐԳԱՎՈՐՄԱՆ ՀԻՄՆԱԿԱՆ ՈՒՂՂՈՒԹՅՈՒՆՆԵՐԸ

Համակարգային ճգնաժամից ազատվելու համար պետական ապարատի կողմից պետք է ձևավորվի զարգացման որոշակի մոդել: Կառավարման մարմիններն այդ մոդելին պետք է հաղորդեն կոնկրետություն՝ տեխնիկա-տնտեսական հաշվարկների, խնդիրների, նպատակների տեսքով, որոնք ամրագրված կլինեն տարբեր օրենքներով, ինչպես մասն ընդունված որոշումների իրականացման համակարգով: Հայաստանի Հանրապետությունը կոմունիստական գաղափարախոսությամբ հարիր տոտալ-պլանային տնտեսությունից ձեռքազատվել է և շարժվում է դեպի շուկայական տնտեսության ստեղծումը: Այդ շարժման մեջ պետական կառավարումը ձեռք է բերում հատուկ նշանակություն:

Առանձին հեղինակներ տարբեր կերպ են դասակարգում շուկայական տնտեսության մոդելը: Այսպես, Է.Պ.Դումանը առանձնացնում է շուկայական տնտեսության 3 հիմնական մոդել՝

1. լիբերալ,
2. սոցիալական կողմնորոշում ունեցող շուկայական տնտեսության,
3. շուկայական տնտեսության սոցիալ-դեմոկրատական մոդել:

Դրա հետ մեկտեղ, նրանք պետության դերի նշանակությունը ուղղակիորեն կապում են համապատասխան մոդելի հետ: Ըստ նրանց, «պետության տնտեսական դերը էականորեն տարբեր է՝ կապված շուկայական

տնտեսության մոդելի հետ»¹։ Սակայն, բոլոր դեպքերում, պետական կարգավորման և տնտեսական քաղաքականության տրամաբանությունները կարող են չհամընկնել։

Նպատակադրվածությունը պետական կառավարման համակարգում կարևոր է համարվում դրված նպատակների իրականացման տեսանկյունից։ «Շահ» հասկացությունը ներառում է բնակչության մոտ առկա պահանջմունքների համակարգը։ Նպատակի իրականացման անհրաժեշտ քաղաքականասերն են ռեսուրսները։ Տնտեսական առումով ազատությունը ենթադրում է երկու կարևոր բաղկացուցիչ՝ օրենքով սահմանված մասնավոր սեփականության իրավունք և որոշումների կայացման ինքնուրույնություն։ VIII-IX դդ. պետության տնտեսական դերը կայանում էր հիմնականում այդ առաջնային իրավունքների պաշտպանության մեջ։ XX դարը նշանավորվեց տնտեսության մեջ պետության դերի առկայության համատարած ամրապնդմամբ։ IX դարի երկրորդ կեսին ազգային տնտեսությունը հասավ անմիջական մասնավորության։ Դարավերջում տեղի ունեցան գիտատեխնիկական խոշոր զարգացումներ, ի հայտ եկան մի շարք նոր ոլորտներ, խորացավ աշխատանքի հասարակական բաժանումը։ Այս բոլոր հանգամանքները առաջացրին մակրոմակարդակում հավասարակշռվածության պահպանման, ինչպես նաև հակապարբարաշրջանային կարգավորման անհրաժեշտություն։

Շուկա սկսեցին ներթափանցել մոնոպոլիստական համակարգերը։ Այս պայմաններում մրցակցության ապահովման համար կենսական նշանակություն ձեռք բերեց պետական մարմինների կողմից հակամոնոպոլիստական օրենսդրության ընդունումն ու կիրառումը։ Հայտնի է ԱՄՆ-ում 1890թ-ին ընդունված Շերմանի ակտը՝ «հակամոնոպոլիստական օրենսդրությունը», որը վերացրեց Ֆ.Ռուզվելտը 1933թ-ին։ Սոցիալական քաղաքականության իրականացման համար պահանջվում էր տնտեսության պետական կարգավորում։ Այսպիսով, այն պայմանավորված էր նոր տնտեսական պահանջմունքների առաջացմամբ, որոնց հետ շուկան իր էությամբ չէր կարող «գլուխ հանել»։

Պետական կարգավորման օրյեկտիվ անհրաժեշտությունն էր հայտ է գալիս տնտեսական զարգացման, արտադրության կենտրոնացմամբ և կապիտալի որոշակի մակարդակի ապահովմամբ։

Ժամանակակից պայմաններում տնտեսության պետական կարգավորումը հանդիսանում է վերարտադրության բաղկացուցիչ մասը։

Պետության դերը շուկայական տնտեսության կարգավորման անմիջական գործընթացում տնտեսագիտության տեսական քննարկումներում արտահայտվում է երկու ծայրահեղություններով. «պետության կողմից տնտեսական բոլոր լուծումների կենտրոնացված իրականացումից մինչև տնտեսավարող սուբյեկտների լիակատար տնտեսական ինքնուրույնություն»²։

Գիտական գրականության մեջ գոյություն ունեն ճգնաժամերի բազմաթիվ տեսություններ և մեկնաբանություններ։ Կարելի է առանձնացնել մամուլային տեսությունների մի քանի խումբ։

Տեսությունների առաջին խումբը տնտեսության զարգացման պարբերաշրջանային բնույթը բացատրում են այնպիսի պատճառներով, որոնք առնչություն չունեն շուկայական տնտեսությանը բնորոշ գծերի հետ։ Այս խումբը կարելի է բաժանել 2 ենթախմբերի։

Առաջին ենթախմբում մտնում են այն տեսությունները (Անգլիայի տնտեսագետները՝ հայր և որդի Ստենլի Ջոնսոնն ու Հերբերտ Ջոնսոնը), որոնք ճգնաժամերի գլխավոր պատճառը համարում են բնության երևույթները։ Այսինքն, սրանք մատուցալիստական տեսություններ են։ Այս ենթախմբի տեսությունները պարբերաշրջանային գործընթացը բացատրում էին՝ ելնելով բնության երևույթներից, որոնք կապ չունեն արտադրության տվյալ կոնկրետ համակարգի հետ։

Երկրորդ ենթախմբի մեջ մտնում են հոգեբանական տեսությունները, որոնք ճգնաժամի առաջացման պատճառը տեսնում են մարդու էության (բնույթի) կամ հոգեբանության մեջ։ Այս տեսությունները տնտեսության զարգացման պարբերաշրջանային բնույթը բացատրում էին մարդկանց լավատեսական կամ վատատեսական գործողություններով։ Այս տեսությունների ներկայացուցիչներից են Վ.Պարետոն և Ա.Պիգուին։

Տեսությունների երկրորդ խումբը ճգնաժամերը մեկնաբանում է՝ ելնելով տնտեսական երևույթներից, սակայն տարբեր տեսանկյուններից։

Առաջին ենթախմբում կարելի է առանձնացնել տեսություններ, որոնք ճգնաժամի գլխավոր պատճառ համարում են արտադրության և սպառման միջև հավասարակշռության խախտումը, խնայողությունների ու ներդրումների միջև ծավալների խախտումը և այլն։

Երկրորդ ենթախմբը ճգնաժամը մեկնաբանում է այն իրավիճակով, որ արտադրության արագ աճը առաջացնում է սպառողական ապրանքների գների իջեցում, որն էլ իր հերթին հանգեցնում է արտադրության միջոցների պահանջարկի կրճատմանը։

Կա ևս մի ուղղություն, որը մույնպես կարևոր նշանակություն է ձեռք բերել վերջերս։ Այն ճգնաժամը մեկնաբանում է մի շարք գործոններով։ Այսպես, գերմանացի տնտեսագետ Ալբերտ Գանը պնդում է, որ ճգնաժամերի պատճառը թաքնված է բանկերի սխալ քաղաքականության ետևում։ Համեսնը ճգնաժամերի պատճառները հիմնականում կապում է բանկային կրեդիտների սահմանափակման հետ։ Ջ.Մ. Քեյնսը ճգնաժամերի պատճառները տեսնում էր այն բանի մեջ, որ մարդիկ հակված են խնայողությունների։ Այդպիսի հակվածությունն իր հերթին հանգեցնում է պահանջարկի սահմանափակության։ Արդյունքում եկամտի նորման լինում է ցածր, որը թուլացնում է ձեռներեցների խթանները՝ իրենց կապիտալը ներդնելու արտադրության մեջ։ Ըստ

¹ Дунаев Э.П., Колганов А.И., Кондратьева Т.С.; Экономическая роль государств на различных этапах становления рыночной экономики: М.: Макс Пресс 2001 - с. 7.

² Албегова И.М.; Емцов Р.Г.; Холопов А.В.; Государственная экономическая политика: опыт перехода к рынку - М.: дело и сервис, 1998, т. 10.11

մարքսիստական տեսության՝ ճգնաժամի հնարավորությունը դառնում է ավելի կոնկրետ, քանի որ որոշիչ նշանակություն է ձեռք բերում փողի գործառույթը որպես վճարման միջոց, այլ ոչ թե որպես փոխանակման միջոց:

Բազմաթիվ տնտեսագետներ գտնում են, որ Ռուսաստանը հայտնվել էր համակարգային (կառուցվածքային) ճգնաժամի ճնշման տակ, և դրա համար կան օբյեկտիվ և սուբյեկտիվ պատճառներ: Օբյեկտիվ պատճառ է հանդիսանում պլանային կենտրոնացված տնտեսությունից անցումը դեպի շուկայական տնտեսության: Իսկ սուբյեկտիվ պատճառը անցումային շրջանում արդյունավետ տնտեսական քաղաքականության բացակայությունն է:

Համակարգային ճգնաժամին բնորոշ է ոչ թե արտադրության և սպառման միջև ժամանակավոր անհամասնությունը, ոչ թե արտադրական կարողությունների ու շուկայի տարողունակության միջև խոչընդոտման ստացումը անհամասնությունը, այլ դա առաջին հերթին տնտեսական զարգացման գաղափարախոսության փոփոխությունն է: Համակարգային (կառուցվածքային) ճգնաժամը փոխել է արտադրության, խնայողության և սպառման միջև փոխհարաբերությունները: Եվ խոշոր սոցիալ-տնտեսական ցնցումների գլխավոր պատճառներից մեկն այն է, որ ժամանակին չի սահմանվել վերը նշված այդ փոխհարաբերությունների օպտիմումը:

Որոշ տնտեսագետների կարծիքով, ավելի ճիշտ կլիներ համակարգային ճգնաժամը դասել «սպեցիֆիկ տնտեսական ճգնաժամների»¹ խմբին, այսինքն այն ճգնաժամերի խմբին, որոնք առաջանում են շուկայական տնտեսության պարբերաշրջանային զարգացման հետ ոչ ուղիղ կապով:

Հակաճգնաժամային կառավարումը մեծապես պայմանավորված է տնտեսության մոդելով: Գործնականում կարող են գոյություն ունենալ սոցիալիստական և շուկայական տնտեսությունների տարբեր տեսակներ: Կարելի է ասել, որ զարգացած և զարգացող երկրների շուկայական տնտեսությունները տարբերվում են ոչ թե զարգացվածության աստիճանով, այլ նյութական բարիքների արտադրության և բաշխման միջոցների մոդելով: Զարգացած երկրների տնտեսությունը զարգանում է որպես երկարատև, փոխկապակցված գործընթաց, իսկ զարգացող երկրների տնտեսությունը առաջանում և զարգանում է որպես մոդել՝ օտարերկրյա կապիտալի, տեխնոլոգիայի և գաղափարախոսության ներդրման արդյունքում:

Պետության տնտեսական քաղաքականության նպատակները կարող են հիմնվել ոչ միայն տնտեսական արդյունավետության չափանիշների վրա, այլև կարող են սերտորեն կապված լինել կրոնի, գաղափարախոսությունների, ազգային հարաբերությունների և այլ հարցերի հետ:

Տարբեր երկրներ կարող են ունենալ տարբեր տնտեսական նպատակներ: Օրինակ, տնտեսության արագ աճը առաջնահերթ է համարվում զարգացող երկրների համար: Արդյունաբերական երկրներում առաջին պլան են մղվում շրջակա միջավայրի պահպանության և չվերականգնվող ռեսուրսների սպառման կրճատման խնդիրները: Որպես նպատակ կարող է հանդես գալ նաև գործազրկության կրճատումը:

Խնդիրների հստակեցումն ու դրանց իրականացումը պահանջում է ճշգրիտ տնտեսական հաշվարկներ, որը պետք է հաշվի առնի երկրի իրական տնտեսության հնարավորությունները: Ազգային նպատակները, որոնք պետք է արտացոլվեն պետության ռազմավարական որոշումներում, մի կողմից պայմանավորված են տարբեր խավերի և խմբերի, մյուս կողմից՝ պետության արտաքին քաղաքականության շահերով:

Տնտեսական անկայունության, քաղաքական անորոշության և ընդհանուր սոցիալ-հոգեբանական լարվածության պայմաններում մեծանում է տնտեսական ծրագրի անհրաժեշտությունը, որը հիմնված կլինի այնպիսի գաղափարի վրա, որը կմիավորի մարդու և պետության շահերը: Մարդկային պատմության փորձը ցույց է տվել, որ երկիրը ճգնաժամից դուրս հանելու համար անհրաժեշտ է այնպիսի հստակ նպատակ, որը կընդունվի հասարակության կողմից և կմիավորի ազգին:

Նպատակադրումը պետական կառավարման գործընթացում դասվում է կառավարչական տեսության և պրակտիկայի ամենաարդիական և կարևոր հիմնախնդիրների շարքին: Հենց հասարակության ներքին վիճակը և նրան հուզող խնդիրներն են հանդիսանում պետական կառավարման նպատակների ձևավորման իրական և արդիական աղբյուրներ:

Նախ, անհրաժեշտ է առանձնացնել գլխավոր ռազմավարական նպատակը, այնուհետև իրականացնել այն՝ միաժամանակ հետևելով, որ դրանք միմյանց հետ լինեն փոխկապակցված, և աջակցեն ու փոխլրացնեն իրար: Անհրաժեշտ է նպատակների հիմնավորված սուբորդինացում, այնպես, որ դրանք «աշխատեն» միմյանց համար, որպեսզի մի նպատակի իրականացումը դառնա մյուսի իրականացման աղբյուր: Մյուս կողմից, պետական կառավարման նպատակների հիմնավորվածությունը որոշվում է համապատասխան ռեսուրսներով և ապահովվածությամբ կամ իրավունքով, երբ նպատակներն ամրապնդվում են օրենսդրորեն և կյանքի են կոչվում՝ հիմնվելով օրենքի ուժի վրա: Նպատակների նկատմամբ հիմնական պահանջներն են բնակչության վստահությունը, նպատակների իրականացման արդյունքների համապատասխանությունը նրանց պահանջմունքներին և շահերին:

¹ Современные циклы и кризисы. сб. статей.-М., 1967.